



Donishmand
o'zining
donishmandligini
bilmaydi, har bir
a'molini farz deb
o'ylaydi

1913-yil aprel oyidan chiqib boshlagan



www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

Madaniy tadbirlar boshlandi



Viloyat musiqali drama teatri-da "Samarqand – 2024-yilda MDHning madaniy poytaxti" loyihasining tantanali ochilish marosimi bo'lib o'tdi.

O'zbekiston Respublikasi Madaniyat vaziri Ozodbek Nazarbekov, Rossiya Federatsiyasi prezidentining xalqaro madaniy masalalar bo'yicha maxsus vakili Mixail Shvidkoy, MDH ijroiya qo'mitasi gumanitar va ijtimoiy yo'nalishlar departamenti direktori o'rinbosari Manuchehr Hojizoda va boshqalar bugungi kunda hamdo'stlikka a'zo davlatlar o'rtasidagi savdo-iqtisodiy aloqalar bilan birga madaniy-gumanitar sohalaridagi hamkorlik jadal rivojlanayotganini ta'kidladilar. 2010-yildan boshlab MDH doirasida madaniy poytaxtlar loyihasining amalga oshirilayotgani bu borada juda katta ahamiyatga ega bo'lgani e'tirof etildi.

Tashkilotga a'zo davlatlar sha-

harlarining madaniy poytaxt deb e'lon qilinishi xalqlarimiz o'rtasidagi madaniy aloqalarni yanada mustahkamlash, har bir hududning o'ziga xos qadriyat va an'alarini asrab-avaylashga, shuningdek, turizmni rivojlantirishga xizmat qilmoqda.

Marosimda Samarqand shahar hokimiga Hamdo'stlikning madaniy poytaxti faxriy unvonini tasdiqlovchi sertifikat taqdim etildi. Shundan so'ng Ozarbayjon, Belarus, Qozog'iston, Qirg'iziston, Rossiya, Tojikiston va Turkmanistondan kelgan hamda mamlakatimizning badiiy jamoalari va san'atkorlari tomonidan konsert dasturi namoyish etildi.

Endilikda yil davomida Samarqandda MDH davlatlari madaniyat va san'at namoyandalari ishtirokida ijodiy uchrashuv va tadbirlar, konsertlar tashkil etiladi. Teatrlar premeralari, musiqa tanlovlari, mashhur estrada va klassik ijrochilarning gastrol safarlari uyushtiriladi.



Samarqand tumanidagi muammolarga yechim izlandi

Samarqand tumani hokimligida viloyat hokimi E.Turdimov boshchiligidagi tegishli boshqarmalar va tuman tashkilotlari rahbarlari ishtirokida hudud ijtimoiy-iqtisodiy rivojlanishiga to'siq bo'layotgan muammolarni o'rganish va ularni hal etish masalalari muhokama qilindi.

Dastlab tumandagi yo'llarning holati tanqidiy tahlil qilindi.

Nazorat tizimi yo'q. O'zlari bajari-shadi va o'zlari tekshirishadi. Garchi, ta'mirlash ishlarining ham o'z me'yor va standartlari mavjud bo'lsa-da, bunga amal qilinmayapti, – dedi viloyat hokimi. – Asosiysi, "pul bering, natijani so'ramang", ana shu qabilda tumanda ish olib borilmoqda. Bu borada nazoratni kuchaytirish talab etiladi.

Tumanda birinchi chorakda budjet daromadlari bo'yicha reja 96 foizga bajarilgan bo'lsa, soliq tushumlari yaxshi emas. Masalan, 776 nafar aylanma soliq to'lovchi bir necha o'nlab kishilarni ish bilan ta'minlagan bo'lsa-da, o'z hiso-

botlarida bir nafarini ham ko'rsatmagan. Faoliyat yuritayotgan ayrim korxonalar nol hisobot bergan yoki umuman taqdim etmaganlari bor. Bu omillarning barchasi yashirin iqtisodiyotning rivojlanishiga olib keladi va budjetga pul tushumlarini sezilarli darajada kamaytiradi.

Viloyat hokimi tadbirkorlarni qiynayotgan muammolarni tezkorlik bilan hal etish, ishlamayotgan korxonalarni ishga tushirishga ko'maklashish bo'yicha topshiriqlar berdi.

Yig'ilishda maktabgacha va maktab ta'limi muassasalaridagi holat ham muhokama qilindi. 2023-yil yakunlariga ko'ra, tuman ta'limi sifati va samaradorligi bo'yicha viloyatda 13-o'rinni egalladi. 1112

nafar 11-sinf bitiruvchilarining atigi 12,5 foizigina oliy o'quv yurtlariga o'qishga kirdi.

Ma'lumotlarga ko'ra, tuman tibbiyot birlashmasida nogironligi bo'lgan shaxslarni reabilitatsiya qilish bo'limi tashkil etilmagan. Ota-onasi xorijga ketgan bolalarga vasiylik qilish masalalari hal etilmagan.

Bundan tashqari, tumanda ijtimoiy nafaqa oluvchilarni qamrab olish 12 foizni tashkil etgan bo'lsa, Shirinobod, Qorasuv, Badal, Nurafshon, Urganji mahallalarida bu ko'rsatkich 18 foizdan yuqori ekan aytiladi. Buning sababi shundaki, ijtimoiy nafaqalar barqaror daromadga ega bo'lgan shaxslarga beriladi.

Yig'ilishda muhokama qilingan barcha masalalar yuzasidan soha rahbarlarining hisobotlari tinglandi. Samarqand tumani ijtimoiy-iqtisodiy rivojlantirishga salbiy ta'sir ko'rsatayotgan muammo va kamchiliklarni bartaraf etish bo'yicha zarur chora-tadbirlar belgilandi.

Viloyat hokimligi axborot xizmati.

INDALLOSINI AYTGANDA...

Xurshid DO'STMUHAMMAD,
O'zbekistonda xizmat ko'rsatgan madaniyat xodimi,
filologiya fanlari doktori:

- Kuzatuvlar asnosida jamiyatdagi erkinlik, axborot manbalariga e'tibor xususida gapiradigan bo'lsak, zamonaviy o'zbek matbuoti bir yarim asr mobaynida bugungiday erkin bo'lgan emas.



...Xonaga kirib kelgan probatsiya hisobida turuvchi 27 yoshli U.B nohaq ayblanganini ta'kidladi. Uning aytishi bo'yicha, u shunchaki vaziyat qurboni bo'lgan.

- Yarim tunda do'stim qo'ng'iroq qilib, ikkita qoramolni sotmoqchi ekanligini, bozorga olib chiqishga yordam berishimni so'radi, - deydi U.B. - U asli boshqa viloyatdan. Jomboyda ijarada turib, ishlaydi. Xullas, yordam berishga rozi bo'ldim. U meni katta yo'l yoqasida, mollar ortilgan yukk mashinasida kutib o'tirgan ekan. Bozorga ketayotganimizda ichki ishlar xodimlari ushladi. Mollar o'g'irlangan bo'lib chiqdi. Birinchi marotaba sudlanishim. Onam olamdan o'tgan, dadam xasta. Oilada katta farzandman, ikki ukamni boqishim kerak.

RAQAMLAR QONIQLARI, AMMO...

Joriy yilning fevral oyi yakuni bo'yicha viloyatimizda probatsiya hisobida turgan fuqarolar 8617 nafarni tashkil etmoqda. Shundan 2286 nafari axloq tuzatish ishlari, 1806 nafari ozodlikni cheklash, 901 nafari muayyan huquqdan mahrum qilish, 2 nafari majburiy jamoat ishlari jazosini o'tayotganlar bo'lsa, 94 nafari shartli sinov muddati ta'sir chorasini belgilanganlar. Achinarli tomoni ularning 2190 nafari yoshlar va 45 nafari voyaga yetmaganlardir.

Ma'lumotga ko'ra, o'tgan yili viloyatimizda pro-

"Ustimdan yozmaganida, ishini bitirib berardim"

Yoxud probatsiya hisobidagi yoshlarning taqdiri nima bo'lyapti?

batsiya hisobida turganlar o'rtasida oldini olish mumkin bo'lgan jinoyatlar 2022-yildagi 54 tadan 45 taga tushgan. Probatsiya hisobida turuvchilar tomonidan qayta jinoyat sodir etish ko'rsatkichi esa 8 foizga kamaygan. Ammo Samarqand shahri, Past Darg'om, Kattaqo'rg'on, Jomboy hamda Paxtachi tumanlarida vaziyat yaxshi emas. Mazkur hududlarda ayrim ko'rsatkichlar ortib bormoqda. Biz buning sababini aniqlash, mazkur hududlarda probatsiya hisobida turgan yoshlarning taqdirini bilish maqsadida Jomboy tumani misolida o'rganish ishlarini olib bordik.

Aksariyat hollarda muammoli hududda ish olib borayotgan mas'ullar asl holatni yashirishga urinadi. Soxta raqamlar, sahnalashtirilgan ish jarayoni, or-



tiqcha mulozamatdan buni farqlab olish qiyin emas. Biroq Jomboyda bunday bo'lmadi. Biz ish kunini probatsiya xizmati xodimlari bilan birga o'tkazib, ularning kunlik vazifalari ijrosini kuzatish, boradigan manzillari, suhbatlashadigan insonlarni ko'rish imkoniyatiga ega bo'ldik. Probatsiya hisobida turgan yoshlar bilan bevosita suhbat qilib, ularning kayfiyati, qarashlari, rejalarini aniqlashga harakat qildik.

INSPEKTORNI ALDASH OSIN EMAS

Mavzuni tuman ichki ishlar bo'limi jamoat xavfsizligi xizmati probatsiya guruhi katta inspektori, mayor Artur Muqumovning xonasida kechgan suhbat tafsilotlari bilan davom ettirsak.

U.B.ning hikoyasi bir qarashda juda ta'sirli. Ayb-

siz, sharoiti og'ir ekan, deb o'ylashingiz mumkin. Biroq suhbat davomida bizda qator savollar tug'ildi. Misol uchun, jinoyatga qo'l urgan do'sti boshqa viloyatdan bo'lib, ijarada tursa, ikki bosh qoramolni qayerda boqqan yoki U.B. sherigi katta yo'l yoqasida, mollar ortilgan tayyor mashinada kutib turgandan shubhalanmaganmi? Bu noaniqliklar xonaga Artur Muqumov kirib kelib, savol-javobni o'z nazoratiga olganidan keyin aniqlashdi.

- Nega bir necha kundan beri aloqaga chiqmading, seni topa olmadik? - deydi jiddiy ohangda suhbatni boshladi inspektor.

- Pul kerak edi, telefonimni garovga qo'yib, qarzd oldim. Tashvishlar bilan yurgandim.

- Moddiy yordam berildi-ku, ishga joylashish uchun yo'llanma ham olding. Nega haligacha ish beruvchi bilan uchrashmading?

- Men yaxshiroq joyni topdim. Unda oylikdan tashqari, kunlik tushumi ham bor.

Tushunishingiz uchun probatsiya hisobidagi fuqarolar belgilangan vaqtlarda inspektorlar bilan uchrashib, profilaktik suhbatdan o'tishi kerak. Qolaversa, ularning bandligini ta'minlash maqsadida kambag'allikni qisqartirish va bandlik idorasi tomonidan ishga joylashish uchun yo'llanma beriladi. Inspektorlar nazoratidagi shaxsning ishga kelib-ketayotgani, mehnatga munosabatidan xabardor bo'lib turishi kerak ekan. Bizning "qahramon" esa na suhbatga kelgan va na ishga joylashgan. Jarayonda aniq bo'ldiki, u bundan oldin ham o'g'irlik jinoyati bilan sudlangan.

(Davomi 3-sahifada) >>>

Davlat fuqarolik xizmatchilarida emotsional intellekt

uni oshirib borish dolzarb masala

Hokimiyatning vakillik va ijro mexanizmlarida rahbar kadrlar va davlat fuqarolik xizmatchilarining emotsional intellekti muhim ahamiyat kasb etadi. Aslida bu isbotlangan haqiqat - boshqaruvda inson omilidan to'g'ri va oqilona foydalanish, shuningdek, muammoga yondashuv hamda ular yechimini topish, kreativ fikrlash, tizimli yondashuvning yo'lga qo'yilishi yumshoq (soft skills) ko'nikmalarni rivojlantirishda muhimdir.

“O'zbekiston-2030” strategiyasining “Qonun ustuvorligini ta'minlash, xalq xizmatidagi davlat boshqaruvini tashkil etish” deb nomlangan ikkinchi ustuvor yo'nalishi “Xalq bilan muloqotni yanada kengaytirish orqali aholi muammolarini aniqlash va hal etish tizimining samaradorligini oshirish” deb nomlangan 82-maqсадida davlat organlari va tashkilotlarida murojaatlarni qog'oz shaklida ro'yxatga olish amaliyotini bekor qilish, barcha davlat organlari va tashkilotlari hamda ularning hududiy bo'linmalariga elektron shaklda, shu jumladan, tegishli mobil ilova orqali murojaat qilish imkoniyatini yaratish, murojaatlarning kamida 80 foizi mahalliy darajada qanoatlantirilishi ta'minlash, takroriy murojaatlar ulushini kamida 2 barobar qisqartirish, hududlarda mavjud ijtimoiy-iqtisodiy muammolarni mahallaning o'zida hal qiladigan xalqchil tizim yaratish va respublika ijro etuvchi hokimiyat organlari mansabdor shaxslarining qabullarida masofadan videoaloqa vositasida ishtirok etish imkoniyatlarini 100 foizga yetkazish vazifalari belgilangan.

Mazkur vazifalar rahbar kadrlar va davlat fuqarolik xizmatchilari zimmasiga katta mas'uliyat yuklamog'ida. Bu esa o'z navbatida xalq bilan muloqot va muammolarni tizimli hal qilish uslubiyatini takomillashtirish, jumladan, rahbarlar va davlat fuqarolik xizmatchilarining emotsional intellektini oshirib borishni taqozo qiladi.

1995-yilda birinchi marta ilmiy muomalaga kiritilgan emotsional intellekt kategoriyasi odamlar va tashkilotlarning rivojlanishi haqidagi tushunchani sezilarli darajada o'zgartirdi. Ko'pchiligimiz his-tuyg'ularning kuchi bilan tanishmiz va ular aksar hollarda “sabab” dan ko'ra hal qiluvchi ekanligini bilamiz.

Umuman, emotsional intellekt bu insonning his-tuyg'ularni tushunishi, boshqa odamlarning motivatsiyasi va istaklarini anglashi, shuningdek, amaliy muammolarni hal qilish uchun o'zining hamda odamlarning his-tuyg'ularini boshqarish qobiliyatlarini yig'indisidir. Shuning o'ziyiq jamiyatimizda emotsional intellektni rivojlantirish qay darajada ahamiyatli ekanligini ko'rsatib turibdi. Zotan, bugungi kunda rahbar kadrlar va davlat fuqarolik xizmatchilari faoliyatida diplomatik munosabatlar, xalq bilan samarali muloqot, har qanday vaziyatda o'zlaridagi hissiy jarayonlarni boshqarish, muloqot jarayonlari hamsuhbatga nisbatan pozitiv va adolatli yondashuv talab etiladi.

Keng ma'noda emotsional intellekt o'zi va boshqalarga nisbatan ijobiy hamda salbiy his-tuyg'ularni bilishi va tan olishi, shaxsiy his-tuyg'ularni faktlardan ajratish, shuningdek, boshqa odamlar

bilan muloqotda ularning yoshidan qat'i nazar, kayfiyati, temperamenti, so'zlashish ohangi, niyat va ehtiyojlarini his qilish qobiliyatidir.

“Google” kompaniyasining inson resurslari bo'yicha vitse-prezidenti Laslo Bok “Mukofotlar muzlatilgan bo'lsa ham, siz odamlarni yanada xursand qilishingiz va yaxshiroq ishlashingiz mumkin. Chunki aynan iqtisod chuqur inqirozga uchraganida odamlarga munosabat muhim rol o'ynaydi”, deya ta'kidlaydi.

Rivojlangan kompaniyalarda alohida e'tibor qaratiladigan emotsional intellekt masalasiga yurtimizda ham jiddiy qarash zarurligiga sabablar yetarlicha. Misol uchun, D.Golman o'z tadqiqotlari asosida kompaniyadagi 50-70 foiz ijobiy muhit rahbarga bog'liq deb hisoblaydi. Ijobiy muhit natijasida xodimlar ish samaradorligi sezilarli darajada oshadi. Nafaqat xodimlar, balki fuqarolarning ham kayfiyatiga ta'sir ko'rsatadi.

Emotsional intellektni rivojlantirishda ko'pchilik mutaxassislar vaziyat tahlilidan foydalanish, ya'ni o'zini boshqa birovning o'rniga qo'yib ko'ra olish qobiliyatini rivojlantirish maqsadga muvofiqligini ta'kidlaydilar.

Muayyan his-tuyg'ularni tushunish, o'zining hissiy holatini boshqarish qarorlar qabul qilishda ahamiyatga ega. Bunday yondashuv ish samaradorligini oshirishga, stressga chidamlilik, iroda, tanqidiy tahlil va rivojlanish istagini oshiradi.

Rahbar kadrlar va davlat fuqarolik xizmatchilarida samarali muloqot olib borilishida emotsional intellekt roli va ahamiyati quyidagilarda namoyon bo'ladi:

- murojaatlar bilan kelgan fuqarolarning ruhiy holati, kayfiyatini baholash va munosabat bildirish jarayonlarida;
- fuqarolarning ichki istaklari, motivlari va xohishlarini sezishda;
- aholi kayfiyatidan kelib chiqqan holda muloqot ijtimoiy muhitini samarali tashkil etishda;
- hatto fuqarolarni to'g'ri tushungan holda ularning salbiy kayfiyati, niyatlarini ijobiy tomonga o'zgartirish jarayonlarida.

Xulosa qilib aytganda, rahbar kadrlar va davlat fuqarolik xizmati faoliyatida xalq bilan samarali muloqot amalga oshirilishida tashkiliy madaniyat, motivatsiya va emotsional intellektning roli ahamiyatli. Shuningdek, davlat fuqarolik xizmatchilari muloqotida emotsional intellektini oshirish orqali faoliyatning sifat va mazmun jihatdan ijobiy o'zgarishlariga zamin yaratish mumkin.

Shahriyor XOLBOYEV,
O'zbekiston Respublikasi
Prezidenti huzuridagi Davlat
boshqaruvi akademiyasi
Samarqand hududiy filiali dotsenti.


Keyingi yillarda Past Darg'om tumanida o'nlab ko'p qavatli uylar qurildi. Tumandagi 97 ta ko'p qavatli uy asosan Juma, Go'zalkent, Charxin qo'rg'onlarida, shuningdek, Olti qahramon, Mirzo Ulug'bek, Balxiyon mahallalarida joylashgan bo'lib, ularning 69 tasi mustaqillik yillarigacha qurilgan 2 va 3 qavatli uylar bo'lib, aksariyatida aholi sharoitni o'zlariga moslashtirib, hojatxona, omborxonaga kabi qulayliklarni hovlida qurib olgan. Isitish tizimlari yo'qligidan sovuq kunlari “burjujka” pechlarini yo'qib jon saqlaganlar ham bor.

- Shu paytgacha barcha uylar uy-joy mulkdorlar shirkatlari tomonidan boshqarib kelingan, - deydi tuman qurilish va uy-joy kommunal xizmat ko'rsatish bo'limi bosh mutaxassisi Bobosher Hasanov. - Biroq so'nggi yillarda shirkatlar o'z vazifasini bajaray olmay qoldi. Banklardan ko'p miqdorda kredit olib, o'z vaqtida to'lovlarni amalga oshirmadi. Qolaversa, uylarning katta qismi ta'mirlab, tomlardan chakka o'tib, yer-to'ralari zaxlab ketgan.



O'tgan asrning 50-60 yillarida qurilgan uylarda ichimlik suvi, tabiiy gaz va elektr energiyasi tarmoqlarida muntazam uzilishlar bo'lib, suv oqova tizimi yo'qligidan hojatxonalar uylardan ancha narida qurilgan. Bu holat ko'p yillardan buyon aholining noroziliklariga sabab bo'lib kelayotgan edi. Vaziyatni o'nglash maqsadida tuman hokimligi qarori bilan 6 ta shirkat o'rnida 1 ta boshqaruv servis kompaniyasi tashkil etildi.

2023-yilda tashkil etilgan «Past Darg'om kommunalchi» boshqaruv servis kompaniyasiga shu sohada ko'p yillik tajribaga ega rahbar tayinlandi va unga 94 ta ko'p qavatli uy-joydagi vaziyatni o'nglash vazifasi topshirildi.



2024-yilning yanvar-fevral oylarida viloyatning barcha hududlarida joylashgan dehqon bozorlarida qishloq xo'jaligi mahsulotlarini sotuvchi jismoniy shaxslarning tanlama kuzatuv o'tkazildi.

Kuzatuv natijalariga ko'ra, savdo aylanmasi hajmi 181,5 milliard so'mni tashkil qildi. Bunda asosiy yirik hajm yangi uzilgan qishloq xo'jaligi mahsulotlari savdosiga (87,3 milliard so'm) to'g'ri keldi.

Viloyat statistika boshqarmasi.

voyaga yetgan mehnatga layoqatli bolalari bo'lmasa yoxud ularidan ta'minot uchun mablag' o'lmasa, bobo va buvi ularga ta'minot berish majburiyatini zimmasiga oladi.

Buning aksi sifatida nevaralarning ham bobo va buvisiga aliment (ta'minot) berish majburiyati bor. Jumladan, o'zlarining voyaga yetgan (Oila kodeksi 124-moddada) bolalaridan yoxud eri yoki xotinidan (sobiq eri yoki xotinidan) ta'minot o'lmaydigan mehnatga layoqatsiz, yordamga muhtoj va buviga ta'minot berish majburiyati yetarli mablag'ga ega bo'lgan voyaga yetgan mehnatga layoqatli nevaralar tomonidan amalga oshirilishi belgilangan.

Sodda qilib aytganda, nevaralar ham o'tkazishdi. Hozirda vinochilik va xo'raki navlar bo'yicha 3 million tupdan ortiq buyurtma olingan.

Zaytun yog'i dunyoda eng qimmatli va foydali hisoblanadi, - deydi “Bog'bon” agrokompleksi in-vitro laboratoriyasi rahbari Ilyos Haydarov. - Ammo bizda shu paytgacha zaytun yetishtirish bo'yicha tajriba yo'q edi. Bunga asosiy sabablardan biri zaytun nisbatan issiq va dengiz bo'yi davlatlarida ekilishi edi. Lekin seleksiya natijasida sovuq iqlimga chidamli navlar ham yaratilayapti. Jumladan, zaytunning ispaniyalik seleksionerlar tomonidan yaratilgan “Orbikina” navi

Ko'p qavatli uylar:

Boshqaruv servis kompaniyasining o'zi yordamga muhtoj

- Juda ko'p qarzi bo'lgan shirkatlarni qabul qilib olish oson emas, - deydi «Past Darg'om kommunalchi» boshqaruv servis kompaniyasi boshlig'i Sherzod Omonov. - Shirkatlarning bankdan 7 milliard so'm, aholining esa shirkatlardan 1 milliard so'mdan ziyod qarzi bor ekan. Kamiga 90 foiz uy-joy ta'mirlanmagan, aholi badallarni o'z vaqtida to'lama. Ahvol juda og'ir edi. Yangi kompaniyada santexnik, elektrik, farrosh, bog'bon, nazoratchi kabi 15 nafar turli kasb egalari mehnat qilmoqda. Biroq birorta ham maxsus texnika vositasi yo'q. Hatto kompaniyaning o'z binosi va uskunalar saqlaydigan omborxonasi ham yo'q ekan.

- Qariyb bir yildan buyon ijarada turib ishlaymiz, - deydi Sh.Omonov. - Chiqindilarni tashib chiqishda muammolarga duch kelyapmiz. Ishchilarimizning shaxsiy texnikalaridan foydalanishga majbur bo'lyapmiz. Chunki texnika, asbob-uskuna xarid qilish uchun banklarga kredit so'rab borsam, eski shirkatlarning qarzi ko'pligi uchun berishmadi.

Chiqindini «Toza hudud» DUK tuman bo'limiga qarashli texnikalar tashib ketyapti. Ammo suyuq chiqindilarni tashuvchi maxsus mashina tumanda ham yo'q.

Go'zalkent qo'rg'onidagi 14 ta ko'p qavatli uyda yashovchilar qator yillardan buyon suvoqova xizmatidan norozi bo'lib keladi. Chunki bu uylardagi oqova shifoxonada joylashgan maxsus handaqqa quyiladi. U ham har 10-15 kunda to'lib, shifoxona hududiga oqib chiqmoqda va atrofga yoqimsiz hid chiqadi. Uylar atrofini obodonlashtirish ishlari ko'ngildagidek tashkil etilmagan. Chiqindixonalar ham talabga javob bermaydi.

- 2023-yil dekabrda mazkur hududda 560 million so'mlik yangi suv tozalash inshooti qurilishi boshlangan, - deydi Sh.Omonov. - 50 kublik zamonaviy tozalash inshooti qurilmoqda. Ayni vaqtda montaj ishlari olib borilmoqda. Agar inshoot ishga tushsa, nafaqat hududdagi shifoxona, balki barcha ko'p qavatli uylarning muammosi hal bo'ladi. Shuningdek, Mirzo Ulug'bek, Balxiyon mahallalaridagi 8 ta ko'p qavatli uy ham markaziy oqova tizimiga ulanadi.

Boshqaruv servis kompaniyasi tomonidan tuman markazidagi 2 qavatli uylar uchun 2 ta umumiy hojatxona qurildi.

Muammolar izidan



Go'zalkentda 5 kVA, Mirzo Ulug'bek mahallasida ko'p qavatli uylarga o'rnatilgan 10 kVAli quyosh panellaridan kirish yo'laklari va hovlidagi tungi chiroqlarni yoritishda foydalanilmoqda.

Tan olish kerak, hali Past Darg'omdagi ko'p kvartirali uylarda ishlar juda ko'p. Bolalar maydonchasidagi ayrim o'yin jihozlari va o'rindiqlar singan, maydonchalar qarovsiz. Shu yerda istiqomat qiluvchilarning aytishlaricha, yangi uylar yonida aholi uchun qulayliklar yaratilmagan. Savdo do'koni, oshxonaga, sartaroshxonaga, novvoyxonaga kabi kundalik ehtiyoj uchun zarur bo'lgan shoxobchalar yo'q.

Savol tug'iladi - aslida boshqaruv servis kompaniyasini tuzishdan maqsad nima edi? Agar ko'p qavatli uylardagi shart-sharoitni yaxshilash, obodonchiligi ta'minlash bo'ladi, nima uchun kerakli texnika va mutaxassislar bilan ta'minlanmagan? Nima uchun qator yillardan buyon shirkatlarning zimmasida yig'ilib turgan milliardlab qarzlarni kompaniya to'lashi kerak? Nima uchun shirkatlardan qarzdor bo'lgan aholi servis kompaniyasiga to'lovlarni amalga oshirmayapti? Endigina “tug'ilgan” kompaniyani kim qarzdorlik botqog'idan olib chiqadi? Xullas, javob topish qiyin bo'lgan savollar ko'p.

Bugun hududlarda qurilayotgan ko'p qavatli uylarda yashovchi aholining yashash sharoitini yaxshilash, har bir uyni tartibli, obod maskangaga aylantirish ularning o'z qo'llarida. Buning uchun mas'abdillar biroz e'tibor qaratilishi lozim bo'ladi.

Dilmurod TO'XTAYEV.



Farg'ona vodiysi, Surxon vohasi, Toshkent hududlarining tuproq sharoitidan kelib chiqib, barcha joyga bir xil ko'chatlar mos kelmaydi. Ko'chatni shunchaki ekish emas, uni maqbul yerga eksagina kutilgan natijani beradi.

Viloyat qishloq xo'jalik boshqarmasi tomonidan Jomboy tumanidagi “Bog'bon” agrokompleksiga tashkil etilgan press-turda bu jarayonlarni bevosita kuzatdik. 24 gektar maydonni egallagan ushbu agrokompleksda har bir hududning tuproq, suv, iqlim sharoitlari o'rganilgach, laboratoriya sinovlaridan o'tgan 65 xildan ortiq ko'chatdan yerga mos keladiganlari tavsiya etildi.

Seleksioner olimlar bilan hamkorlik tufayli Ispaniyadan 14 xildagi tok ko'chatlari keltirildi. Tok ko'chatlarida ham hududlar sharoitidan kelib chiqib, sizot suvi yaqin, ishqor ko'p, tuprog'i og'ir, sho'rlanishi kuchli bo'lgan yoki suv kam yerlarga mos keladigan payvandtaglar yetishtirilmoqda. “Flatsera” kasalligi kirib kelishining oldini olish maqsadida respublikamizga tok ko'chatlarini olib kirish taqiqlangan. Shu sababli majmua agronom biotexnologlari yangi navni bir yil davomida karantin xizmati mutaxassislari bilan laboratoriya tekshiruvlaridan o'tkazishdi. Hozirda vinochilik va xo'raki navlar bo'yicha 3 million tupdan ortiq buyurtma olingan.

Zaytun yog'i dunyoda eng qimmatli va foydali hisoblanadi, - deydi “Bog'bon” agrokompleksi in-vitro laboratoriyasi rahbari Ilyos Haydarov. - Ammo bizda shu paytgacha zaytun yetishtirish bo'yicha tajriba yo'q edi. Bunga asosiy sabablardan biri zaytun nisbatan issiq va dengiz bo'yi davlatlarida ekilishi edi. Lekin seleksiya natijasida sovuq iqlimga chidamli navlar ham yaratilayapti. Jumladan, zaytunning ispaniyalik seleksionerlar tomonidan yaratilgan “Orbikina” navi

22 daraja sovuqqacha chidamli bo'lib, asosan yog' olish uchun o'stiriladi. Davlatimiz rahbarining topshiriqlari asosida 2022-yilda Surxondaryo viloyatining Oltinsoy tumanida 50 gektar maydonda “Orbikina” navidan respublikamizdagi birinchi zaytun plantatsiyasi tashkil etildi. Zaytun plantatsiyalarini ko'paytirish loyihasi asosida agrokompleksimizda 100 ming tupdan ortiq ko'chat tayyorlandi. Hozirda Andijon, Farg'ona, Namangan viloyatlari, Surxondaryo viloyatining Oltinsoy, Bandixon, Qumqo'rg'on tumanlarida zaytun bog'lari joriy etilmoqda. Buning uchun vodiy viloyatlarining soha mas'ullari hokim o'rinbosarlari, bog'bonlar kelib o'rganib ketishmoqda. Gektariga 800 tup ko'chat ekiladi va uchinchi yildan boshlab 1 tonna hosil, undan 300 litr yog' olish mumkin, o'ninchi yilga borib, hosildorlik 3-4 barobargacha ortadi.

Agrokompleksda bodomning laboratoriya tekshiruvlaridan o'tgan kech gullaydigan bir necha xil navi, Yevropa davlatlarining 40 ga yaqin tok navlari ko'paytirilayotgan ekan.

Davlatimiz rahbarining Ozarbayjonga tashrifi davomida yurtimizda funduk yetishtirishni ko'paytirish bo'yicha topshiriqlar berilgan edi. Bu o'simlikni ham o'rganib, shu oyda Ozarbayjon va Turkiyadan ko'chatlar keltirilmoqda.

Press-tur davomida jurnalistlar tumandagi “Sulton Shakarboyev” fermer xo'jaligida to'qsonbostni usulida sabzavot yetishtirish jarayonlari bilan ham tanishtirildi.

O'XUDOYBERDIYEV.

“Aliment to'lovchi shaxsning rasmiy daromadi yo'q”, “Otaning nomida hech qanday mulk yo'qligi sababli alimentni undirish imkonsiz”...

Aliment borasida tez-tez qulog'imizga chalinib turadigan bu gap-so'zlar kishida nahotki qonunchilikda mazkur holatlar inobatga olinmagan bo'lsa, degan fikrni uyg'otadi. Aslida O'zbekiston Respublikasining Oila kodeksida buning qonuniy yechimi ko'rsatilgan.

Xususan, Kodeksning 123-moddasiga ko'ra, ota-onasi yo'q bo'lgan yoki ularidan ta'minot o'lmaydigan voyaga yetmagan nevaralariga ta'minot berish majburiyati yetarli mablag'ga ega bo'lgan bobo va buvi zimmasiga yuklatilishi mumkin. Voyaga yetgan mehnatga layoqatsiz, yordamga muhtoj

Aliment pulini bobo va buvidan undirish mumkin

nevaralarning ota-onasi, eri yoki xotini (sobiq eri yoki xotini) va voyaga yetgan mehnatga layoqatli bolalari bo'lmasa yoxud ularidan ta'minot uchun mablag' o'lmasa, ularga nisbatan ham bu majburiyat bobo va buvining zimmasiga yuklatilishi mumkin. Xo'sh, bu tartib qanday hollarda tatbiq qilinadi? Qonunchilikka muvofiq, bobo va buvining zimmasiga voyaga yetmagan nevaralariga ta'minot berish majburiyatini yuklash uchun birinchi navbatda voyaga yetmagan nevaralarning

ota-onasi, ya'ni shu nevaraga bobo va buvi bo'lgan shaxslarning bolalari yo'qligi, shuningdek, bobo va buvi voyaga yetmagan nevaralariga ta'minot berish uchun yetarli mablag'ga ega bo'lishi shart.

Ular nafaqat voyaga yetmagan nevaralariga, balki voyaga yetgan mehnatga layoqatsiz, yordamga muhtoj nevaralariga ham ta'minot berishlari lozim bo'ladi. Bunda mehnatga layoqatsiz, yordamga muhtoj nevaralarning ota-onasi, eri yoki xotini (sobiq eri yoki xotini) va

(Davomi. Boshlanishi 1-sahifada).

Qiziq tomoni, birinchi bor ozodlikka chiqib, probatsiya hisobida turgan vaqti ham o'sha o'zi aytayotgan "soqqali" joyga ishga joylashganligi haqida soxta hujjat tayyorlab, yana eski hunariga qaytgan. Qiziq, u nega bizni aldashga urindi?

— Tumanimizda 398 nafar fuqaro probatsiya hisobida turadi, - deydi A.Muqumov. — Shundan 71 nafari yoshlar. Ulardan 10 nafarining xulqi o'ta og'ir. Bunday yoshlar nazoratiga qat-tiqroq turmasak bo'lmaydi. Boshqa holatlarda nazoratni shaxsning ijtimoiy-psixologik portreti-ga qarab tashkil etamiz.

“Ustimdan yozmaganida, ishini bitirib berardim”

Yoxud probatsiya hisobidagi yoshlarning taqdiri nima bo'lyapti?

Misol uchun ehtiyotsizlik oqibatida yo'l transport hodisasini sodir etganlar bor. Ular jinoyatni atay sodir etmagan, krimino-gen olam-dan yiroq. Ularga o'zi tanlagan ishonchli ish joyiga joylashish uchun ruxsat beramiz. Oyda bir-ikki bor nazorat tartibida uyiga yoki ish joyiga borib, suhbat qilishimiz mumkin. Ammo jinoyatga qayta-qayta qo'l urayotganlar masalasi boshqacha. O'zingiz guvohi bo'lganin-gizdek, ular nazoratdan qutulish uchun yolg'on voqealarni to'qishdan ham tap tortmaydi. Bunday insonlar bilan ishlash uchun sabr va katta tajriba zarur.

U.B.dan tushuntirish xati olinib, belgilangan muddatda yo'llanmada ko'rsatilgan ish joyiga joylashish bo'yicha tushuntirish berildi. Agar u yana "yo'qolib" qolsa yoki berilgan muhlat ichi-da ishga joylashmasa, unga belgilangan 1 yilu 9 oy axloq tuzatish ishlari jazosi sud tartibida ozodlikdan mahrum qilish jazosiga qaytarilishi bo'yicha ogohlantirildi.

TARTIBNI BUZSA, JAZO CHORASI OG'IRROG'IGA QAYTARILADI

Kuzatib, amin bo'ldikki, suhbatga kelib-ke-tayotgan insonlarning asosiy qismi firibgarlik bilan bog'liq jinoyatlarni sodir etgan. Va ularning ba'zilar haligacha odamlarni yoki davlatni aldash ayb ekanligini tushunib yetmagan.

28 yoshida firibgarlik bilan qo'lga tushib, shartli ravishda ozodlikka chiqqan va yana shu jinoyat bilan qamalib, bugungi kunda axloq tuzatish tartibida jazoni o'tayotgan fuqaro bilan suhbatimizdan:

- Bir marta shu jinoyat bilan qo'lga tushgan ekansiz, nega yana firibgarlik qildingiz?
- Bu gal kelishuvda muammo yo'q edi. Agar pul bergan odam sabrsizlik qilib, ustimdan yozmaganida, ishini bitirib berardim. Kutishni istamadi, shunga yana qamalib qoldim.

Anglayapsizmi, u aybni o'zida emas, balki uni noqonuniy harakatlari natijasini kutma-gan fuqaroda deb bilyapti. Hozir u 35 yosh-da. Xo'sh, uning dunyoqorashini o'zgartirib bo'ladimi? Yoshlikda olinmagan tarbiyani probatsiya inspektori qanday beradi? Ular faqat nazorat qilishi, tartibga chaqirishi mumkindir. Jazo muddati tugaganidan keyin inspektorlarning majburiyati ham tugaydi. U yana shu ishga qo'l urmaydi, deb hech kim kafolat berolmaydi.

Jinoyat ishlari bo'yicha tuman sudiga chaqi-ruv bo'ldi. Biz ham inspektorga ergashdik. U yerda probatsiya hisobida turgan, biroq o'zini tutish qoidalariga rioya etmagan fuqaroning

ishini sudda ko'rib chiqib, oldingi ozodlikdan mahrum qilish bilan bog'liq jazo turiga qay-tarish masalasi turgan ekan. Ammo fuqaro bu yerda ham tartibga bo'ysunmayapti. To'palon qilib, atrofdagilarga va o'ziga shikast yetka-zishga harakat qilyapti.

A.Muqumovning izoh berishicha, fuqaro ozodlikka chiqqanidan keyin bir-ikki oy o'zi-ni yaxshi tutgan. Bu vaqt ichida unga mod-diy yordam va ishga joylashishi uchun imkon berilgan. Lekin u ichkilikka berilib, uyida janjal chiqargan. Ish uning pichoq ko'tarib, xotini-ni quvlashigacha borgan. Endi uning masalasi aniq, sud birinchi jazo chorasini qaytaradi. O'tgan 2023-yilda viloyatda jinoyat sodir etish-ga moyil, tuzalish yo'lga o'tmagan 103 nafar shunday shaxsning jazosi oxirgi chora sifatida og'iriga almashtirilgan.

SAYYOR SUDDA...

Albatta, shu kuni bizga duch kelgan shaxslar probatsiya nazoratida turib, ozod-likdan mahrum etish bilan bog'liq bo'lmagan jazolarni o'tab kelayotganlarning kamchiligini tashkil etadi. Berilgan imkoniyatlardan to'g'ri foydalangan va eng muhimi, xatolaridan tegishli xulosa chiqarganlar jazo muddati tu-gamay turib, muddatidan ilgari shartli ravish-da ozod etilmoqda. O'tgan yili viloyatimizdan 3528 nafar shaxs shu tartibda jazodan ozod qilingan.

Tumandiligimizda Alisher Navoiy nomli ma-halla fuqarolar yig'inida shu masalada sayyor sud bo'lib o'tayotgani aytili. Unda ishtirok etib, namunali xulqi uchun ozodlikka chiqqan yoshlar bilan suhbatlashdik.

- Bezorilik qilganim uchun jazolanganman, - deydi ishi sudda ko'rilib, 11 oy jazo muddati "kesil"gan yoshlardan biri. — Probatsiya hiso-bidaligimda oshxonada oshpaz bo'lib ishladim.

Xatoimdan xulosa chiqarishim uchun yetarli-cha vaqt berildi, deb o'ylayman. Endi qonuniy asosda chetga chiqishim mumkin.

- Probatsiya hisobidagi shaxsning ijtimoiy moslashuvini baholashda mehnatga halol mu-nosabatiga alohida e'tibor qaratiladi, - deydi tuman ichki ishlar bo'limi jamoat xavfsizligi xiz-mati probatsiya guruhi inspektori, mayor Zoid Haydarov. — Shu bois nazoratdagi fuqarolar-niing ishga joylashishiga alohida e'tibor bera-miz. Hukimlik ularning biznes g'oyalarni ham qo'llab quvvatlaydi. Agar ular jazoni o'tash vaqtida vijdonan va halol mehnat qilib, o'zini munosib tutgan bo'lsa, tuzalish yo'lga kirgan, degan xulosa beriladi. Aks bo'lsa, u bilan ishlashga hamkor tashkilot mutaxassislari jalb qilinadi. Aytish joizki, probatsiya nazoratidan chiqarildi, degani fuqaro nazoratsiz bo'ladi, degani emas. Ular bilan ham yaqin bir-ikki yil ichida aloqada bo'lishga, muammo yuzaga kelsa, ijobiy hal qilishga yordam beramiz.

TIZIM ISLOHOTGA MUHTOJ

Tumanga kelganimizda e'tiborimizni tortgan birinchi jihat probatsiya xizmati xodimlarining kamligi bo'ldi. Bor yo'g'i 3 nafar inspektor va bir nafar texnik xodim. Texnik xodim kompyu-ter va kamera bilan ishlashi mumkin, qolgan 3 nafar inspektor nazoratdagi 398 nafar fuqa-roning qaysi biri bilan uchrashishga yoki uyiga borib, nazorat tadbirini o'tkazishga ulguradi? Vazirlar Mahkamasining 2020-yil 14-fevraldagi "Ichki ishlar organlari probatsiya xizmati faoli-yatini samarali tashkil etish bo'yicha qo'shim-cha chora-tadbirlar to'g'risida"gi qarorida probatsiya bo'linmalariga mutaxassis-psixo-loglarni jalb etish tizimini yo'lga qo'yish bel-gilangan edi. Ammo biz idorada psixologlarni ko'rmadik. To'g'ri, probatsiya xodimlari pro-filaktika inspektorlari bilan hamkorlikda ishlashi mumkin. Biroq profilaktika inspektorlarining ham yumushi o'ziga yetarli. Ularning yuklama-sini oshirish ish samaradorligiga salbiy ta'sir ko'rsatishi mumkin.

Probatsiya sohasida qog'ozbozlik haddan or-tiq ko'pdek taassurot paydo bo'ldi bizda. Turli grafik va hisobotlar tayyorlash ish kuni tig'iz inspektorlar uchun qo'shimcha yuk bo'layot-gandek. Ularning o'zi ham bu muammoni tan oldi. Savol tug'iladi, aslida bu xizmat ilg'or xorij tajribalaridan kelib chiqib joriy qilinmaganmi-di? Agar shunday bo'lsa, uning faoliyatini ham zamon talablariga mos tarzda tashkil etish zarur. Ular jazoni jiro etish muassasasidan kel-gan fuqaro bilan ishlash uchun usning "delo"si yetib kelishini kutib o'tirmasligi kerak. Fuqa-rodan shaxsiy hujjatlari nusxasi, fotosuratini talab qilish ham o'tgan davrning ishi. Aksincha, inspektorlarga nazoratga qo'yiladigan shax-sning ijtimoiy-psixologik portretini u kelmasidan oldin o'rganib chiqish uchun imkoniyat yaratish lozim. Xullas, tizim islohotlarga muhtoj. Va buni kechiktirish og'ir oqibatlarini keltirib chiqarishi mumkin.

Asqar BAROTOV.

Jahon chempionatining qur'a tashlash marosimi Samarqandda o'tkaziladi



Joriy yil yurtimiz FIFA shafeligidagi futbol bo'yicha jahon chempionatiga mezbonlik qiladi.

Musobaqa qur'a tashlash marosimi Samarqand shahridagi Registon maydonida bo'lib o'tishi belgilangan. 26-may kuni o'tka-ziladigan ushbu marosimni dunyoning 200 dan ortiq mamlakati tomosha qilish imkoniyatiga ega bo'ladi.

Shu munosabat bilan FIFA Prezidentining futbol bo'yicha yordam-chisi Haime Yarza boshchiligidagi delegatsiya Samarqandga keldi. Registon maydonida O'zbekiston Respublikasi Sport vaziri A.Ikromov, O'FA vitse-prezidenti Ravshan Ermatov hamda FIFA vakillari qur'a tashlash jarayoniga tayyorgarlik ko'rish va uni yuqori saviyada o'tkazish masalalarini muhokama qildi. FIFA tavsiyasi asosida tashkiliy qo'mita a'zolari tasdiqlanib, mas'ullarga topshiriqlar berildi.

Ma'lumot uchun: "JCh-2024" bahslari 4-sentabrdan 6-oktabrga qadar bo'lib o'tadi.

Mahallada murojaatlar qanday o'rganiladi?

Har bir mahalla fuqarolar yig'ini huzurida «Mahalla yettiligi» qanday tashkil qilinadi? «Ma-halla yettiligi»ni fuqarolarning o'zini o'zi boshqarish organlari namunaviy tuzilmasiga kiritish tartibi qanday? Umuman, «Mahalla yettiligi»ning funksiyalari, vazifalari, huquqlari va majburiyatlari nima?

Samarqand shahridagi Shodiyona mahallasida tashkil etil-gan seminarda shu savollarga javob izlandi. Unda shahardagi Qorasuv maskani hududidagi mahalla fuqarolar yig'inlari rai-si, a'zolari va faollariga Prezidentimizning shu yil 15-martda qabul qilgan «Mahallabay ishlashga mas'ul bo'lgan shaxslar faoliyatini va hamkorligini samarali ta'minlash hamda «mahalla yettiligi» faoliyatini tashkil etish chora-tadbirlari to'g'risida»gi qarori mazmun-mohiyati tushuntirildi. Mahalladagi muammolar va murojaatlarni hal etishda «Mahalla yettiligi»ning jamoatchilik, xususan, Xalq qabulxonalari bilan hamkorlikda ishlash tizimi haqida fikrlar bildirildi.

Sohibjon HAYDAROV,
O'zbekiston Respublikasi Prezidentining Samarqand shahridagi Xalq qabulxonasi yetakchi mutaxassisi.

REKLAMA, E'LONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUHOJAAT UCHUN TELEFON: 66-233-91-56

DA'VOLAR BO'LSA...

Samarqand tumanida xususiy amaliyot bilan shug'ullanuvchi notarius Shomurodov Anvar Salimovich notarial idorasida marhum Amirova Shoxira Salimovna (2023-yil 3-fevralda vafot etgan) tegishli mol-mulk uchun meros ishi ochilmoqda. Shu muno-sabat bilan merosxo'rlarning Shomurodov Anvar Salimovich notarial idorasiga murojaat etishlarini so'raymiz.

Manzil: Samarqand tumani O'rtashiq mahallasi.

Samarqand shahrida xususiy amaliyot bilan shug'ullanuvchi notarius Murtazayev Sherzod Sobirovich notarial idorasida marhum Berdiyev Melikul Rajabovichga (2019-yil 30-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Murtazayev Sherzod Sobirovich notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Isoqulova Nigora Turdiqulova notarial idorasida marhum Xo'ja-bayeva Fotimaga (2024-yil 17-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Isoqulova Nigora Turdiqulova notarial idorasiga murojaat etishlarini so'raymiz.

Manzil: Samarqand shahri Abu Rayhon Beruniy ko'chasi, 12-uy.

Samarqand shahrida xususiy amaliyot bilan shug'ullanuvchi notarius Tursunov Suhrob Berdiyevich notarial idorasida marhum Azamatova Muatarga (2021-yil 19-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Tursunov Suhrob Berdiyevich notarial idorasiga murojaat etishlarini so'raymiz.

Manzil: Samarqand shahri Beruniy ko'chasi, 200-uy, 3-xona.

Jomboy tumanida xususiy amaliyot bilan shug'ullanuvchi notarius Mamatqulov Otabek Bolbekovich notarial idorasida marhum Kushakov Xazratkulga (2023-yil 16-ok-

tabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otabek Bolbekovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

Samarqand shahrida xususiy amaliyot bilan shug'ullanuvchi notarius Mustayev Aziz-bek Faxriddinovich notarial idorasida marhum Botirova Elmira Toshmumaxamodovna (2023-yil 27-sentabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mustayev Azizbek Faxriddinovich notarial idorasiga murojaat etishlarini so'raymiz.

Manzil: Samarqand shahri Buyuk Ipak yo'li ko'chasi, 50-uy, 34-xona.

Samarqand tumanida xususiy amaliyot bilan shug'ullanuvchi notarius Ahtamov Erkinjon Tolibjonovich notarial idorasida marhum Safarova Musavar Odilovna (2009-yil 12-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Ahtamov Erkinjon Tolibjonovich notarial idorasiga murojaat etishlarini so'raymiz.

Manzil: Samarqand tumani Xo'ja Ahrori Vali mahallasi.

Samarqand shahrida xususiy amaliyot bilan shug'ullanuvchi notarius Nurqosimov Jamshid Sayfiddinovich notarial idorasida marhum Gulamov Xusenga (2017-yil 9-fevralda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nurqosimov Jamshid Sayfiddinovich notarial idorasiga murojaat etishlarini so'raymiz.

Manzil: Samarqand shahri Panjob ko'chasi, 4-uy.

Samarqand shahrida xususiy amaliyot bilan shug'ullanuvchi notarius Yusupova Dilsura Hasanovna notarial idorasida marhum Salimov Baratga (2023-yil 23-iyulda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Yu-

supova Dilsura Hasanovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Samarqand shahrida xususiy amaliyot bilan shug'ullanuvchi notarius Saidova Zarina Xisravovna notarial idorasida marhum Abdullayev Abdushkurga (1991-yil 22-aprelda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Saidova Zarina Xisravovna notarial idorasiga murojaat etishlarini so'raymiz.

Manzil: Samarqand shahri Abdurahmon Jomiy ko'chasi, 64-uy.

Payariq tumanida xususiy amaliyot bilan shug'ullanuvchi notarius Muhammadiyev Farhod Jo'raqulovich notarial idorasida marhum Qodirova Raxiya Sindarovna (2023-yil 20-iyulda vafot etgan) tegishli mol-mulk uchun meros ishi ochilgan. Shu munosabat bilan merosxo'rlarning Muhammadiyev Farhod Jo'raqulovich notarial idorasiga murojaat etishlarini so'raymiz.

Manzil: Payariq tumani Chelak shaharchasi, Istiqlol ko'chasi, 76-uy.

Jomboy tumanida xususiy amaliyot bilan shug'ullanuvchi notarius Qodirov Ulug'bek Tolibovich notarial idorasida marhum Yarmatova Yulduz Lapasovna (2023-yil 17-avgustda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Qodirov Ulug'bek Tolibovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

Samarqand shahrida xususiy amaliyot bilan shug'ullanuvchi notarius Hazratqulov Mahmud Mo'minqulovich notarial idorasida marhum Abdusamatov Murodillo Ismailovichga (2019-yil 20-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Hazratqulov Mahmud Mo'minqulovich notarial idorasiga murojaat etishlarini so'raymiz.

Manzil: Samarqand shahri Amir Temur ko'chasi, 36-uy.

MINNATDORMAN!

Inson hayoti, salomatligi hamma narsadan aziz. O'z kasbning fidoyi insonlari bor ekan, xalqimiz sog'-salomatdir. Pensiyadaman, yoshim yetmish oltida, ikkinchi guruhi nogironiman. Yaqinda Samarqand viloyat ko'p tarmoqli tibbiyot markazi asab kasalliklari bo'limida davolanib chiqdim. Hozirda umumiy ahvolum yaxshilandi.

Lutfulla Mahmanov rahbarlik qilayotgan shifoxona sharoitlari havas qilgudek. Shifokor-lar va hamshiralari bilimi, tajribasi hamda shirin so'zi bilan bemorlar dardiga darmon bo'lishmoqda. Bu dardan forig' bo'lishimda mendan o'z maslahati va amaliy yordami-ni ayamagan shifoxona bosh shifokori Lutfulla Mahmanov, nevrologiya bo'limi mudiri San'at Qoraboyev, nevrolog-vrach Alisher Hasanov, katta hamshira Dilfuza Rustamova, hamshiralari Nasiba Isayeva, Feruza Yusupova, Elnora Mamadaliyeva, Aziza Niyozova, Farangiz Tojiyeva, Yulduz Safarovalardan juda minnatdorman. Sizlarga sihat-salomatlik, oilaviy baxt, el sog'ligi yo'lidagi ishlaringizga ulkan muvaffaqiyat tilayman.

Sayfiddin SHODMONOV,
Qo'shrabot tumani.

BEKOR QILINADI

Urgut tumanidagi "Ahmad Yassaviy" masjiding (STIR: 203640011) dumaloq muhri yo'qolganligi sababli bekor qilinadi.

Payariq tumanidagi "TOMOYROT NURONIYLAR CHOYXONASI" oilaviy korxo-nasining (STIR: 305607806) dumaloq muhri va burchak tamg'asi yo'qolganligi sababli bekor qilinadi.

Sotuvchi "SAMARKAND PLITKA SERVIS" oilaviy korxonasi direktori Kamolov Mux-to'rijon Ravshanovich hamda sotib oluvchi Kayumov Karim Normurodovich nomidan ishonchnoma asosida Kayumov Xalima-lar o'rtasida Samarqand tumani Qaynama mahallasida joylashgan 0001-literdagi "Kor-masex binosi" va 0002-literdagi "Kormasex binosi" (yer maydonisiz) uchun "KOCHMAS MULK SAVDO XIZMATI" MCHJ vositachiligi-da to'g'ridan-to'g'ri muzokaralar o'tkazish natijasida 2022-yil 15-aprelda tuzilgan ol-di-sotdi shartnomasi, 2022-yil 15-apreldagi 68-sonli kelishuv bayonnomasi va 2022-yil aprel oyida tuzilgan qabul qilish dalolatno-masining sotuvchidagi nusxasi yo'qolganligi sababli bekor qilinadi.

Fuqarolar Xushnazarova Xusniya Abdu-rashit qizi va Egamov Baxtiyor Baxodirovich-lar o'rtasida 2022-yil 27-iyulda Samarqand shahri, Orzu MFY, M. Xaydarov ko'chasi 24 "A"-uy, 34-xonadon uchun tuzilgan, Sa-marqand shahrida xususiy amaliyot bilan shug'ullanuvchi notarius Alieva Lola Zoirovna tomonidan tasdiqlanib, 202201714003871 raqam bilan reestrda qayd qilingan turar-joy oldi-sotdi shartnomasining asl nusxasi yo'qolganligi sababli bekor qilinadi.

Fuqaro Rudakova Galina Viktorovna nomi-dan ishonchnoma asosida Godunova Sera-fima Aleksandrovna va Tursunova Zulfiya Amirovnalar o'rtasida Samarqand shahri Al-Xo-razmiy ko'chasi, 115-uy, 12-xonadon uchun tuzilgan, Sobiq Temiryo'l tuman 1-son davlat notarial idorasidan 2000-yil 21-noyabrda tas-diqlanib, 2035 raqam bilan reestrda kiritilgan oldi-sotdi shartnomasining sotib oluvchidagi nusxasi yo'qolganligi sababli bekor qilinadi.

Toyloq tumanidagi "AFROSIYOB MED DIAGNOSTIKA" mas'uliyati cheklangan jamiyatining (STIR: 305138321) dumaloq muhri va burchak tamg'asi yo'qolganligi sababli bekor qilinadi.

Amir Temur tavalludining 688 yilligi oldidan

“Qayerda tartib va qonun o'rnatilgan bo'lsa, men o'sha yerdaman”

Solnomachilarning yozishicha, Amir Temur turk, arab va eronliklar tarixini chuqur bilgan. Davlat ahamiyatiga molik har bir masalani hal etishda shu sohaning bilimdonlari va ulamolari bilan maslahatlashgan.



Sohibqiron adolatli bo'lgani uchun unga musulmonlardan tashqari nasroniylar, zardushtiylar, buddaviy va boshqa dinlarga mansub kishilar ham sadoqat bilan xizmat qilganligini Ibn Arabshoh o'z asarida bayon etgan. Amir Temur davlat boshqaruvida adolat chegarasidan chiqib ketmaslik uchun yoniga iymonli ikki nafar vazir tayinlagan hamda ularga qaror qabul qilishda fikrlarini bildirish vakolatini bergan. Ular Mahmud Shahob Xurosoniy va Nosiriddin Mahmud al-Aromiy edi.

Ikkala vazir doim Temur yonida bo'lib, uning qabul qilgan qarorlarini va harakatlarini nazorat qilishgan. Agar Amir Temurning qarori yoki hukmda vazirlardan birontasi adolatsizlik alomatlarini ko'rsa, darhol qanday adolatsizlik borligini aytishgan. Balki shuning uchun ham Amir Temur tuzgan ulkan saltanatda boshqa dinga va boshqa elatga mansub bo'lgan xalqlar tomonidan unga qarshi isyon ko'tarilmagan.

Amir Temur “Tuzuk”larida yozadi: “Aziz bolalarim! So'zlarimni yaxshilab qulog'ingizga quyib oling, mendan so'ng mamlakatni boshqarish sizning zimmangizga tushadi. Shuning uchun men o'rnatgan tartib-qoidalarga amal qiling, uning boshqalar tomonidan ham bajarilishini qat'iy nazorat qilib boring. Talonchi, o'g'ri, muttaham, sotqin va o'zini notavon ko'rsatib, tilanchilik qiluvchilarga qattiq turing! Ularning urchishiga yo'l qo'ymang! Agar shunday qilmasangiz, bor budingizdan ajralasiz. Buning o'rniga payg'ambar avlodlarini ardoqlang, olimlar, shoirlar va hunar ahliga homiylik qiling!”

Amir Temur o'z saltanatini islom dini asosida boshqargan. Chunki u iymon bor joyda adolat bo'lishini, adolat bo'lgan joyda qonun ustuvor bo'lishini, qonun ustuvor bo'lgan joyda mansabni suiiste'mol qilish uchun muhit bo'lmasligini yaxshi bilgan. Saltanatida mansabni suiiste'mol qilish, yetimlar va nochorlarning haqini yeyish, pora olish axloqqa zid hisoblanib, jazoga loyiq, deb topilgan.

Boshqaruv tizimida amaldorlarning salohiyatiga qarab mansab berilib, mutaxassislarni tanlashda ularga keng erkinlik berilgan. Masalan, “Dinga rivoj berishda qo'llagan birinchi tuzukim shu bo'ldiki, sayyidlar orasidan layoqatli bittasini ahli islomga boshliq – sadr etib tayinladim. Tamom vaqflarni boshqarish va nazorat qilish uchun mutavalli tanlashni, har bir shahar va viloyatda qozi, muftiy, muhtasib tayinlashni uning o'ziga havola qildim. U sayyidlar, ulamo, shayxlar va boshqa arboblarga suyurg'ol belgilab, har birining vazifasini tayin qilsin”, deydi.

Davlat boshqaruvining yuqori bo'g'inida bevosi-ta ishtirok etadigan amaldorlarni, ayniqsa, vazirlarni mansabga tayinlashda quyidagi sifatlarga tayangan: “...Vazirlar to'rt sifatga ega kishilardan bo'lishlari lozim; birinchisi - asllik va toza nasllik, ikkinchisi - aql, farosatlilik, uchinchisi - sipohu raiyat ahvolidan xabardorlik, ularga nisbatan xushmuomalalik, to'rtinchisi - sabr-chidamlik va tinchliksevarlik”.

Bugungi kunda ko'pchilik asllik va toza nasllik deganida yuqori amaldor hamda katta moddiy boylikka ega bo'lganlarni tushunishadi. Lekin u davr axloqiga asosan ota-ona avlodida nokaslar, o'g'rilar, xoinlar, sudxo'rlar, laganbardorlar, firibgarlar, kazzoblar bo'lmaganligi, iymonli, insoniy sifatlari bilan ulg'aygan kishi nazarda tutilgan.

“Tuzuk”da “Kamolotga erishgan vazir ulkim, davlat

muomalalarini tartibga keltirib, mulkiy va moliyaviy ishlarni to'g'ri bilan, asli-nasli tozaligini ko'rsatib, ajoyib tarzda bajaradi. Olgulik joyidan olib, bergulik yerga beradi. Ruxsat etuvchi va taqilovchi buyruqlarida uning aslligi bilan toza naslligi ko'rinish turadi. Hech kimga dushmanlik va jabr-zulm qilmaydi. Xoh sipohdan, xoh raiyatdan bo'lsin, har kimning nomini yaxshi so'zlar bilan tilga oladi. Birovdan yomonlik axtarmaydi, aytisalar eshitmaydi. Agar birovdan yomonlik ko'rgan bo'lsa, unga nisbatan shunday muomala qiladiki, u oxiri yomonligidan qaytadi. O'ziga yomonlik qilgan odamga nisbatan shunday yaxshilik qiladiki, u oxiri oldiga bosh egib keladi”, deb yozilgan.

Birovlarga jabr-zulm qiladigan, hasadchi, o'ziga yoqmagan kishilarni mansabidan foydalanib yo'qotish payiga tushgan, g'iybatchi, ig'vogar, axloqi past va gap tashuvchilar vazirlik lavozimiga tayinlanmagan. Chunki qora ko'ngilli, poraxo'r, ko'zi och, laganbardor odam vazirlik qilsa, saltanat tez orada qulashini Amir Temur yaxshi bilgan.

Ishonch bildirilgan amaldorga to'rt imtiyoz – ishonch, e'tibor, ixtiyor va qudrat in'om etilgan. Bundan tashqari, Sohibqiron saltanat hududining barcha nuqtalarida sodir etilayotgan huquqbuzarlik (ko'ngilsizlik) to'g'risida unga vaqtida xabar yetkazib turishlari uchun tuzukda shunday belgilaydi: “... Har el va har shaharda sipoh va raiyat orasida urf-odatlariga oid janjalni ishlari haqida menga ma'lumot berib tursin, deb adolat amirini tayinladim”.

Amir Temurning adolatliligi muhtoj, nochor fuqarolarga yordamida ham aks etadi. Masalan, kasb-hunar, ma'rifat aholiga saltanat korxonalaridan yumush berdirgan, dehqonlar va raiyatdan qaysi birining dehqonchilik qilishga qurbi yetmay qolgan bo'lsa, unga dehqonchilik uchun zarur urug', asbob tayyorlab berdirgan. Biror muhtojning yoki qurbi yetmaydigan fuqaroning uy-imorati buzilib, tuzatishga qurbi yetmasa, saltanat tomonidan ta'mirlanib berilgan. Bilagida kuchi bor faqir miskinlarga xohishlariga qarab ish berilgan. Sarmoyasi qo'lidan ketib qolgan savdogarlarga o'z sarmoyasini qaytadan tiklab olish uchun xazinadan yetarli miqdorda oltin berdirgan.

Saltanatida kuchli taftish va nazorat o'rnatib, amaldorlarning mansabini suiiste'mol qilishiga yo'l qo'ymagan. Masalan, har kuni devonxonada to'rt vazir hozir bo'lgan hamda chegara yerlarda, zabt etilgan mamlakatlarda uch vazirdan iborat davlat hay'ati tuzilgan. Ularning zimmasiga mazkur yerlarda moliyaviy muomalalarni va keladigan daromadlarni boshqarish yuklatilgan.

Ariza va murojaatlar bo'yicha bir kishi arzbegi etib tayinlangan. Uning zimmasiga sipoh, raiyat va arz-dod qilib keluvchilarning ahvolini, mamlakatning obod-xarobligini, muhim ishlardan qaysi biri bitgan-bitmaganligini Amir Temurga yetkazib turish yuklatilgan edi. Undan tashqari, saltanatning har bir idorasida bo'ladigan kirim-chiqimlarni, kundalik xarajatlarni yozib borish uchun bir kotib tayinlangan.

Har bir shahar va qishloqqa kutuv tayinlangan, uning vazifasi sipohu raiyatga soqchilik qilish bo'lgan. Savdo karvonlarining xavfsizligini ta'minlash uchun davlat hududining barcha yo'llari nazoratga olinib, zobitlar va kuzatuvchilar belgilangan. Ular yo'llarni qo'riqlab, yo'lovchilarni, savdogarlarni, musofirlarni kuzatib, mol-mulki va boshqa narsalarini manzildan-manzilga yetkazib qo'yishgan.

“Tuzuk”da shunday deydi: “Binobarin, saltanatimning eng chekka ovulida tartib va qonun o'rnatilgan bo'lsa, demakki, men o'sha yerda bordekman. Shuning uchun ham hokimiyatni qo'lga kiritgan kunimdan shu paytga qadar, ulug' mana shu satrlarni yozayotgan daqiqalargacha nimaiki qilgan bo'lsam - barchasini qonun doirasida qildim”.

T.MAMATOV,
Kichik mutaxassislarni tayyorlash
markazining katta o'qituvchisi.
N.MAMATOVA,
SamDTU ftziatriya kafedrasini
o'qituvchisi.



IKKI YORTI – BIR BUTUN

Kechinma

Ochig'i, xalq orasida ko'p ishlatiladigan ushbu iborani kamina faqat er-xotingagina tegishli, deb o'ylab yurardim. “Biri kam dunyo” iborasida ham taqdirida qandaydir kemtigi bor kishini tasavvur etardim.

Sinchiklab o'ylab qaragam, fanodagi barcha holat yoki jonzot butun bo'lmas ekan. Ular o'z juftini topgandagina butun holga kelar ekan. Masalan, dengizga qirg'oq, insonga do'st, osmonga bulut, burgutga tog' va hokazo.

Binobarin “cho'pon-cho'liq”, “ho'l-quruq”, “yaxshi-yomon”, “tovoq-qoshiq”, “aql-farosat”, “ko'rpa-yostiqlik”, “ta'lim-tarbiya” degan juft so'zlar biri qarama-qarshi, biri o'xshash bo'lgani bilan bejiz yaratilmagan.

Taniqli shoir, ustoz Usmon Azim bir she'rida “Bu olam-ku manim ko'nglim yarim etdi, Yarim bilan quyulmas ham olam to'lar”, deb yozgani hayotiy haqiqat bu! Ochun “butun”dagi ana shu noqobil “yarimta”lar a'molidan ozor chekadi. Misol uchun, gurgurt yoqadigan narsa topilmaydi yoki aksincha, gugurt kerak bo'lmagan narsani yoqib yuboradi. Farosat bo'lmasa, ilm ish bermaydi, bahorgi bulut yog'may, yozgi bulut esa jala bo'lib dog'da qoldiradi.

Aristotelning yozib qoldirishicha, qonunlarni hazm qilish ham yarimga - yarim, hamma birdek qabul yoki rioya qilmagan ekan. Ikki ko'ngil birlashganda, agar birortasi so'zida turmasa, oila vayron bo'ladi. Kimdadir Rahmon, kimdadir Shayton ustunlik qiladi. Fikrda, nuqtai nazarda, manfaatda “yarim” tomonning kibri, o'jarligi, nafsi jamiki nizo va urushlarga sabab bo'layotir. Ehtimol, shuning uchundir dunyo dunyo bo'lib, haligacha bir butun bo'lmagan.

Nazarimda, butunlikka jismonan qarash noto'g'ri. Ne-ne bardam, to'rt muchasi sog' odamlar birovning aqli, birovning muruvati bilan kun kechiryapti. Ikki qo'li yoki ikki oyog'i yo'q kimsalar

mehnati bilan nasibasini butun qilyapti. Darvoqe, oqil kishiga butun nasiba degani bir qultum suv, yarimta emas, hatto bir burda non ham bo'lishi mumkin.

Adolat, haqiqatning ham “butun”ini ko'rmadim. Murosa madora yo'q joyda har kim o'zining adolatini, haqiqatini talab qilish bilan ovora. Murosa yo'q joyda hatto sevishgan ko'ngillarga ham darz ketadi.

“Butun”ni ushlab turadigan murosa - bu birovning oldida “past ketish” ham emas, qulluq qilish yoki kechirish ham emas. Bu avvalo, odamni yomon ko'rmaslik, har bir harakat yoki so'zning oqibatini oldindan ko'ra bilish. Bu - aqli, farosati borligiga shukr qilish va bu xislatlarni ishga solish.

Shu o'rinda aytish kerakki, ba'zan mayda-chuydalarga e'tibor bermaslik, kechirimlilik ham “butun”ning bo'linishiga yo'l qo'ymaydi. Lekin buning uchun juda katta qalb, sabot kerak. Afsuski, dunyodagi nizo, urush-janjallar tufayli bunday fazilatlar bugungi kunda noyob bo'lib qolganini ko'rsatmoqda.

Yashirib o'tirmayman, gapni uzoqdan olib kelishim, shoirona qilib gapirishimdan asl maqsadim ham Sizlarga ikki yortining qo'shilishidan ko'ra bir butunning bo'linib ketishi ko'payib borayotganini aytish edi.

Azizlarim, mumkin bo'lgan joyda bag'rimizni keng qilib, bir-birimiz bilan murosa qilishga odatlanaylik.

SOYADAN SUYANCHIQ BO'LMAYDI

Darhaqiqat shunday, chunki har qanday soya ham vaqtinchalik. Misol uchun, daraxt soyasida o'tob yoki yog'ingarchilikdan saqlanish uchun foydalanasiz. Obro'li odam soyasidan ham. Biror ishni bitirish uchun birovning nomidan bir marta foydalanasiz, xolos. Bu hol darrov oydinlashadi, negaki odamlar soyasi borlar talabchan ekani, har narsaga aralashmasligini yaxshi bilishadi. Qolaversa, soyada qolib ketish ham sizga hech narsa bermaydi.

Farmon TOSHEV.

Kattaqo'rg'ondagi madaniy meros obyektlari qachon ta'mirlanadi?

Kattaqo'rg'on shahrida XIX-XX asrlarga tegishli 23 ta arxitektura madaniy meros obyekti bo'lib, 15 tasining holati qoniqarsiz, 8 tasi esa yaroqsiz holatida turibdi.



Jumladan, Mehrjon mahallasi-dagi XIX asr oxiri XX asr boshlarida qurilgan “Kichik Arabxona” masjidi muhofazaga muhtoj.

- Oldin bu joy masjid bo'lgan, keyinchalik undan omborxonaga va savdo do'koni sifatida foydalanilgan, - deydi shu mahallada yashovchi Abdulla Jo'rayev. - 1993-1994-yillarda bino qisman ta'mirlangach, bu yerdan yana masjid sifatida foydalandik. Ammo keyingi 10-15 yilda obida xarobaga aylandi. To'rt yil oldin respublikadan kelgan ishchi guruh binoni o'rganib, ta'mirlash choralarini ko'rilishini aytgan edi, lekin natija bo'lmadi.

Zarifobod mahallasidagi Kattaqo'rg'on shahar tarixiy o'lkashunoslik muzeyi ham kapital ta'mirga muhtoj. Muzey direktori Dilobar Toirovaning aytishicha, ushbu muzey 1974-yil oktabr oyida jamoatchilik asosida Muhammad

Aminxo'ja Naqibbek tomonidan 1804-yilda qurilgan madrasa binosida tashkil etilgan. 1976-yil may oyida to'rtinchi toifadagi shahar tarixiy o'lkashunoslik davlat muzeyiga aylantirilib, 1980-yilda Samarqand davlat muzeyi qo'riqxonasi tasarrufiga kiritilgan. 1992-yil boshida bino Movarounnahr diniy bosh boshqarmasi tasarrufiga olingach, jome masjidiga aylantirilgan va o'sha yili tarixiy o'lkashunoslik muzeyi shaharning O'zbekiston ko'chasi 105-uy manziliga ko'chirilgan. Ayni paytda muzeyda 6161 ta eksponat bo'lib, asosiy fondida 3841 ta, yordamchi fondida esa 2320 ta ashyo bor va 262 ta eksponat ekspozitsiya zallariga qo'yilgan.

Muzeyga kirar ekanmiz, ekspozitsiya xonalari va zallarining aksariyatida elektr yo'qligi, isitish tizimiga ulanmagan va xonalardagi pollarning chiriganiga guvoh bo'ldik. Binoning fasadi va tom qismi ham ta'mirlanish holatida.

Shaharning Ochildimurod Miriy mahallasidagi “Qalandarxon” masjidi ta'mirlash-tiklash ishlari uchun esa 950 million so'm mablag' ajratilgan, biroq ishlar to'xtab qolgan. Shahardagi ikkita madaniy meros obyekti X.Qurbon mahallasi hududidagi Yangi masjid va Ko'chasixur mahallasidagi XX asrda qurilgan 8-umumta'lim maktabi binosi (avvalgi tibbiyot bilim yurti) avariya holatida va binolarni qayta tiklash imkonini bo'lmagan bo'is moddiy madaniy merosning ko'chmas mulk obyektlari milliy ro'yxatidan chiqarish bo'yicha Madaniy meros agentligiga taklif berilgan.

Ayni paytda shahardagi “Sarimozor guzar”, “Muhammad Naqibbek”, “Te-girmonboshi” masjidlari, Eshon mozar maqbarasi va Arabxona mahallasidagi fuqarolik inshooti ham yo'qolib ketish xavfi ostida turibdi.

Fazliddin RO'ZIBOYEV.

SHU OYDA TAVALLUD TOPGANLAR

12-APREL

MUROD Muhammad Do'st – 1949-yilda Nurobod tumanida tug'ilgan. Yo-zuvchi va jamoat arbobi.
Zulayho NORQULOVA – (1937-2015) Paxtachi tumanida tug'ilgan. Mehnat qahramoni.

13-APREL

Ahtam O'ROLOV – 1947-yilda Qo'shrabot tumanida tug'ilgan. Arxitektura fan-lari doktori, O'zbekistonda xizmat ko'rsatgan yoshlar murabbiyi.

MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 12 746 nusxada chop etildi. Buyurtma 183. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxonalar manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

Navbatchi muharrir:

A.SHERXOLOV.

Navbatchi:

D.TO'XTAYEV.

Sahifalovchi:

B.ABDULLAYEV.



Saytimizga o'tish uchun QR-kodni telefoningiz orqali skaner qiling

ISSN-201667X



9 772010 667009

Sotuvda narxi kelishilgan holda

